




Tužilaštvo i SIPA moći će efikasnije procesuirati krupne ribe

Zakon, koji je objavljen u ponedjeljak, plod je mukotrpnog rada Ministarstva sigurnosti BiH s bivšim ministrom Fahrudinom Radončićem (SBB) na čelu, a pruža još efikasniji sistem zaštite svjedoka pred Sudom BiH

Sigurnost svjedoka i svjedočenje bez zastrašivanja od suštinske su važnosti za istragu i procesuiranje krivičnih djela. Uzimajući u obzir evropsku perspektivu, BiH će morati prezentirati evidenciju o istragama i procesuiranju slučajeva korupcije i organiziranog kriminala. Da bi se to postiglo, funkcioniranje programa zaštite svjedoka bit će od presudnog značaja.

Apsolutno apolitičan

U ponedjeljak je u „Službenom glasniku BiH“ objavljen novi Zakon o programu zaštite svjedoka BiH, koji je plod mukotrpnog rada Ministarstva sigurnosti BiH s bivšim ministrom Fahrudinom Radončićem




(SBB) na čelu.

Radončić je nakon svoje smjene, na vanrednoj pres-konferenciji u Sarajevu, kazao da će Zakon o programu zaštite svjedoka, na kojem radio zajedno s tužiocima u BiH i agencijama za provedbu zakona, omogućiti da se efikasnije provode i najdelikatnije istrage.

Upravo nepostojanje ovakvog jednog propisa do sada je bio ključni nedostatak u procesuiranju i najkrupnijih slučajeva korupcije i organiziranog kriminala.

Sekretar Ministarstva sigurnosti BiH Bakir Dautbašić kazao je da osnovni razlozi za donošenje Zakona o programu zaštite svjedoka proizlaze iz činjenice da je



Svjedoci
su ključni
za istragu

ni-zovanog kriminala, korupcije i terorizma koje je usvojilo Vijeće ministara, kao i godišnjeg plana rada Ministarstva sigurnosti BiH. Smatramo da je ovaj zakon apsolutno apolitičan, dobro urađen i pravno utemeljen - ističe Dautbašić.

Prema usvojenom zakonu, kaže Dautbašić, program zaštite svjedoka može se primijeniti

kada se dokazuju krivična djela protiv integriteta BiH, protiv čovječnosti i vrijednosti zaštićenih međunarodnim pravom, terorizma, organiziranog kriminala te djela za koja se po zakonu može izreći kazna u trajanju od pet godina i više.

Odluku o primjeni, prekidu, produžetku i završetku

potrebno osigurati efikasan sistem zaštite svjedoka za vrijeme i nakon krivičnog postupka, kako bi se svjedoku omogućilo slobodno i otvoreno svjedočenje u krivičnom postupku pred Sudom BiH.

- Donošenje ovog zakona također je obaveza po osnovu različitih strategija, akcionih planova u borbi protiv orga-

Iste mjere potrebne na svim sudovima

Iz Tužilaštva BiH potvrdili su za „Avaz“ da je novi zakon potpunije od ranijeg regulirao procedure programa zaštite svjedoka u krivičnom postupku.

- Ovaj zakon detaljnije regulira zaštitu svjedoka prije i nakon svjedočenja. Zbog toga će ovaj zakon biti primjenjiviji od ranijeg. Posebno je važno što će konkret-

nim procedurama u vezi sa stavljanjem u program zaštite svjedoka biti moguće otkloniti dosadašnje dileme o kredibilitnosti takvih svjedoka - kažu u Tužilaštvu BiH, gdje ističu potrebu i da ovakav zakon bude donesen i kada su u pitanju procesi koji se vode pred drugim sudovima u BiH, a ne samo Državnim sudom.

programa zaštite svjedoka donosi Komisija za primjenu programa, koju čine sudija Suda BiH, tužilac Tužilaštva BiH i načelnik Odjela za zaštitu svjedoka. Za organizaciju i provedbu programa zaštite svjedoka te organizaciju i provedbu hitnih mjera zaštite zadužen je specijalizirani Odjel za zaštitu svjedoka Agencije za istrage i zaštitu (SIPA). Mjere kojima se osigurava zaštita svjedoka su fizička i tehnička zaštita osoba i imovine, premještanje, prikrivanje identiteta i podataka o vlasništvu te promjene identiteta.

- Usvajanje ovog zakona bilo je i obaveza BiH po osnovu zaključaka Strukturnog dijaloga Evropske komisije i BiH, što su zvaničnici EU više puta istakli. Pomoć su nam pružili stručnjaci za program zaštite svjedo-

ka Delegacije EU u BiH (WIMPRO projekt) i ICITAP-a - kaže Dautbašić.

Promjene identiteta

Prema podacima koje smo dobili iz SIPA-e, ova policijska agencija od 2005. do 30. aprila ove godine poduzimala je mjere zaštite i podrške u korist 928 zaštićenih svjedoka.

Kristina Jozić, portparol SIPA-e, kazala nam je da su usvajanje Zakona o programu zaštite svjedoka u BiH očekivali još od 2008.

- Njegovo usvajanje i stupanje na snagu u velikoj mjeri stvorit će potrebne pravne pretpostavke i povećati efikasnost u postupanju Odjela za zaštitu svjedoka SIPA-e, što će doprinijeti efikasnoj zaštiti svjedoka i njima bliskih osoba uključenih u programe zaštite svjedoka - istakla je Jozić.

A. DUČIĆ